

ténsi si kiki

kenénga ka makasarkénga sakura na maragi manga, makasi imiti ka makaiconga, kumita isukura mirikucu, iduru yuva tulucubunga ni ténsi cngle, sukédramga uduru rigu ku apéthani, apwani pirivirivi na mragi si mukuethe ni yia, tumaneni apwa ni ténsi ka uduru putumé mitia ka ikai buala na makaiconga.

iké ténsi ku apwa ni pirivirivi ka, iké na sububuru, iké na sirigirigu. ikéla na spakabrabiri, kecapangnenga ku masikiululane, ikené apwaninga pirivirivi, iké ku kadelamalinga cngle. “ kétakemenga tebelenga ka tumé na masépégisi ”. kené ka tilila ku tumaneni makakokanga, tékadra ku skargidra, uduru miti madro ku acenglata, kumita yuva mva birlelé ka urugu kiki cngle psarké ténsi ku parviriviadra, mthémékece micéli.

iké acnglali “ mvangte na punkang ” ku tupuvadra, tilila ku Amérika. iké sessa na suriene. iku tasuria nadra ka Olekebe ka pleng poppingi suriene" ma, ikidri ka iké tékadra madro ico, tbalela, tétetera na kisia, makatékikanga, iké pincege rosududria makaiconga, ikidri suriene ka resama starupungu na drililenge turupungu, ikédra daderane tarubua cngle medra ka améku makurathe na parevavale, makasi ikidri amani ku

pasupapapra na ico ku suriene.

iku cngleli kené ka, iké ku pakedredremali, ikédra na ecngle ico, siliké na pakedredreme nakuta iputumai nia pétha na suriene liya. margi kidri, makasi ikidri mukuethedra ku sarkédra, makivilivila molulucu makavienenga, nukiaké ma mitidria sakuethe. iduru miti mragi sékacuta.

iku kedredremeli margidra si mukuethedra ku tési apéthadra ka nutumé ma mitidria ku mitémé yali. ikené ténsi kongsi ka nikeragi ku apua ni pirivirivi, mragi ku acnglata, si laduru miti kené tékata sehué mragi mrasudu.

## 電視與我

科技不斷進步，電視節目好壞，影響著社會大眾。我喜歡「天涯若比鄰」，這節目介紹各國的風景，可以增廣見聞，讓我們大飽眼福。「九十分鐘」在介紹美國的「守護神兵團」，專門在街上、公園、火車站維持正義。看到這樣的節目，有人也想組織一樣的集團，但要是變成不良幫派，將會對社會造成危害與影響。

電視製作的好壞，影響很大，希望電視公司能多製作優良的節目，以供大家欣賞，在潛移默化之間，使我們社會和諧。